

NOBILI AC GENEROSO DOMINO D. NICOLAO

DVRETO ARCHIATRI FILIO, IN SVPREMO SENATV CAVSARVM
PATRONO PETRVS GIRARDET. S. P. D.



LIVS alium, ego cum Plinio beatissimum existimo, qui bone mansuraque fama presumptione perfruitur, certis que posteritatis cum futura gloria viuit. Intuenti autem mihi (Generose Domine) fortuna tua est animi magnitudinem, quin amplissimum tuum Parentem tutelarem illum Gallicæ gentis Aesculapium in cuius gloria maximum ornamentum tuum, firmamque gloriam repositam habes felicissimum pradicem, pratermittere nec debeo, nec possum. Si enim felicitatis humane non minima pars est filium genuisse, quanto maior fuerit paternarum virutum heredem habere? Et si verò in omnibus veritas imaginem antecedit, in quo tamen sese parens aliqui magis effigiarit, miraque similitudine exscripserit, nec inueniri facile potest, nec dici: ut quod de Telemacho Vlyssis filio Homerus, id apprimè in te conuenire intelligamus, futurumque ut sera posteritas dicat, Sic oculos, sic ille manus, sic ora ferebat, mireturque in te quicquid humanos ad se animos solet rapere, mira certè in sermone tuo comitas, mira etiam in ore ipso vultusque suauitas: Ad hæc ingenium excelsum, subtile, dulce, eruditum. Quæ omnia quid aliud præsagiant, quàm Patris gloriam virtute ac meritis tui prorogatam iri, & lumen quod tibi maiores tui pretulerunt, posteris prelaturum, facem & stimulos ingenij ad magna nati pariter admoiturum: uti verò ad ingrediendam hanc studiosiorem viam clarissimum tuum Parentem ducem & autorem nactus sum, cui id quod sum debeo, ita me perpetuà in te obseruantia clientem tuum agnoscas, velim. Vale.

QVÆSTIO MEDICA. 600. CARDINALITIIS DISPUTATIONIBVS MANE DILVENDA IN SCHOLIS MEDICORVM DIE IOVIS IX.

APRILIS M. FRANCISCO DV PORT, DOCTORE MEDICO MODERATORE.

An Leucophlegmatie Diarrhæa?



VMORVM in humano corpore quidam sunt naturales, ut in mulieribus mammae geminae, generationi lactis & ornatui ut virorum delicijs destinatae. Quidam præter naturam, ut in sanguine redundante phlegmone, carbunculus, furunculus. A pituita nodus, oedema, ganglion emphysema. Erysipelas, herpes, scabies à bile. A Melancholia, cancer, phagædæna, charas seu struma. Scirrhus à quavis materia siccitate concreta.



YDROPS tumorum maximus, ab aquis in ventre stagnantibus, cum est ascites & tympanites, si in vniuerso corpore leucophlegmatias, qui tres habentur hydropis species. Sed in ascite redundat aqua serosa, flatus in tympanite, qui ideo percussus sonitum emittit, agitatæ pressu spiritibus. Quorum causæ sunt iecoris phlegmone, scirrhus, lienis imbecillitas, mensum vel hæmorrhoidum suppressio, quibus refrigeratur hepar, & hæmatosis deprauatur.



NHIS fœdus color, pallidus, virescens à cachexia, quam sequitur sanguificationis defectus, & sanguinis vice serum. Sitis est ab humore salso, quo lenta febris. Dyspnœa diaphragmate presso ab aquis sub abdomine fluctuantibus in ascite, vel flatibus in tympanite. Quorum sanatio difficilis, præcipue si contingit hydrops à phlegmone iecoris, longis lentisque febribus, lienis absoluto scirrho, suppressione mensum, qui nullis artibus potuere prouocari. Sed feminis quàm maribus, hyeme quàm æstate contumacior, calidis siccis naturis sæpius desperata.



EVCOPHLEGMATIAS, quem anasarcam etiam dicimus, etsi corpus vniuersum subiecto humore aqueo tumefacit, non æquè tamen ut ascites & tympanites in curando difficilis. Is enim sæpè nascitur principibus partibus sarcinam à se transmittentibus in habitum corporis. Ita virgines quæ fœdos colores patiuntur à mensibus suppressis pallent tumentque, quia labefactatur hæmatosis a copia serosi sanguinis ab utero in iecur, humorum fontem, recurrentis, & a iecore in cutem commune emissarium erumpentis.



VIA verò tum hepar duntaxat a plenitudine laborat, vacatione tollenda. Clysmi crebri sint ex emollientibus & hystericis aperientibus. Vena secetur ex utroque brachio, dein à saphæa. Frequens sit lotio crurum ac pedum ex aqua tepida primum, dein ex althæa, malua, mercuriali, artemisia, maiorana cum camomillæ floribus. Conferet catharticum è diacarthamo, & syrupo è rosis pallidis. Cuius loco diarrhœa per se veniens, & aquosa proferens, imminuto tumore, salutaris.

Ergo Leucophlegmatie Diarrhœa.

47

Propugnabat PETRVS GIRARDET Lugdunifalinensis Anno R.S.H.M.DC.XX.